



**Sud Bosne i Hercegovine**  
**Суд Босне и Херцеговине**

---

Broj: Su-08-65/23

Datum: 27.04.2023. godine

Na osnovu člana 64. stav (1) tačka b) i člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14 i 59/22) i člana 1. Poslovnika o radu Suda Bosne i Hercegovine ("Službeni glasnik BiH", broj: 82/05, 60/11 i 25/17) na preporuku Stalne komisije za javne nabavke Suda BiH broj: Su-08-63/23 od 27.04.2023. godine u postupku javne nabavke usluge održavanje biro i računarske opreme za LOT 1 - održavanje biro opreme i rezervni dijelovi – 50310000-1, donosim,

**ODLUKU**

o izboru najpovoljnijeg ponuđača za nabavku usluge održavanje biro i računarske opreme za  
**LOT 1 - Održavanje biro opreme i rezervni dijelovi**

**član 1.**

Prihvata se preporuka Stalne komisije za javne nabavke Suda BiH (u daljem tekstu: Komisija), broj: Su-08-63/23 od 27.04.2023. godine i Ugovor za nabavku usluge održavanje biro i računarske opreme za LOT 1 - Održavanje biro opreme i rezervni dijelovi - oznaka i naziv iz JRJN: 50310000-1 (održavanje i popravak kancelarijskih mašina), dodjeljuje se ponuđaču "SYSTEM ONE" d.o.o. Sarajevo, sa sjedištem na adresi Azize Šaćirbegović 80c, sa ponudom ovog ponuđača broj: 002/04/2023 od 13.04.2023. godine i nakon sprovedene e-aukcije za ponudenu cijenu od **7.300,00 KM** bez PDV-a, i okvirni sporazum se zaključuje sa ponuđačem na period od 2 godine a maksimalna vrijednost okvirnog sporazuma iznosi **25.000,00 KM** bez PDV-a.

**član 2.**

Ugovor o nabavci dostaviti će se na potpis izabranom ponuđaču "SYSTEM ONE" d.o.o. Sarajevo po proteku roka od 10 dana računajući od dana kada su svi ponuđači obavješteni o izboru najpovoljnije ponude.

**član 3.**

Ova odluka objavljuje se na internetskoj stranici Suda BiH. Komisija za javne nabavke uputiti će obavještenje ponuđačima koji su učestvovali u postupku u skladu sa članom 70. stav (6) Zakona o javnim nabavkama.

**član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

## Образложение

Postupak javne nabavke pokrenut je Odlukom o pokretanju postupka javne nabavke usluge održavanja biro i računarske opreme i rezervnih dijelova po lotovima broj: Su-08-38/23 od 21.03.2023. godine. Javna nabavka je provedena putem konkurentskog postupka po lotovima broj: Su-08-42/23, a ukupna procijenjena vrijednost nabavke za LOT 1 je 25.000,00 KM bez PDV-a za 2 godine usluge (zaključuje se okvirni sporazum na 2 godine). Obavještenje o nabavci objavljeno je na portalu javnih nabavki pod brojem 243-7-2-19-3-5/23 od 27.03.2023. godine sa tenderskom dokumentacijom.

Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke usluge za LOT 1 - održavanje biro opreme i rezervni dijelovi. Komisija je blagovremeno i pravilno izvršila javno otvaranje ponuda dana 14.04.2023. godine sa početkom u 12.00 sati i sačinila Zapisnik sa otvaranja ponuda koji je isti dan proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće; da su blagovremeno pristigle dvije (2) ponude: "C-SERVIS" d.o.o. i "SYSTEM ONE" d.o.o., da nije bilo neblagovremeno zaprimljenih ponuda; i da su ponude ponuđača "C-SERVIS" d.o.o. i "SYSTEM ONE" d.o.o. ocijenjene prihvatljive i u skladu sa propisanom tenderskom dokumentacijom.

Za ovaj postupak je predviđena e-aukcija. Obje prihvatljive ponude (C-SERVIS i SYSTEM ONE) su unesene na web portal javnih nabavki BiH radi zakazivanja e-aukcije. E-aukcija je počela dana 26.04.2023. godine u 11.00 sati a završila je u 11.42 sati. Ponuđači koji su pozvani da učestvuju u e-aukciji su podnosili nove cijene (nove ponude), te je nakon završetka e-aukcije kreiran izvještaj o toku i završetku e-aukcije (početna i konačna rang lista) prispjelih ponuda u kojem je utvrđeno da je prvorangirana ponuda ponuđača "SYSTEM ONE" d.o.o. Sarajevo sa ponuđenom cijenom od 7.300,00 KM bez PDV-a, a da je drugorangirana ponuda ponuđača "C-SERVIS" d.o.o. Sarajevo sa ponuđenom cijenom od 9.775,00 KM bez PDV-a.

U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Nakon okončanja e-aukcije nesporno je da je prvorangirani ponuđač "SYSTEM ONE" d.o.o. Sarajevo izabran primjenjujući kriterij najniže cijene koja je ponuđena u iznosu od **7.300,00 KM** bez PDV-a.

Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

### POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 5 (pet) dana od dana prijema ove odluke.

Ovim potvrđujem da je predmetni akt u potpunosti usklađen s važećim zakonskim, podzakonskim i internim aktima na kojima je zasnovan.

Potpis: *[Signature]* 27.4.23

PREDSJEDNIK SUDA  
Ranko Debevec

*[Signature]*

BOŠNANSKI HERCEGOVINA SUD BOSNIA I HERZEGOVINA COURT OF APPEALS

RD